

रोमीमैए ल्हागिर पावलइ फ्हिबै फ्हिछ्या

फ्हिबै म्हिः पावल ।

फ्हिबै त्हेः ई. सं. ५७ अथवा बि. सं. ११४ सालजरे ।

चु कितबर बिल् म्हेबै ताँः पावल च्युसे इहं कुल्मिंबै चेला चिबै न्होबै आडिल । येशू ह्युलर युबै या चइ आसेल, खेंमैइ म्हाँदिवै धर्मर च कट्टर मुँल । येशूए फिर बिश्वास लबै आखोसि चइ बेल्ले दुःख पिंमल, धै क्हासि झेलर च्युवामल । तिगें धबै बिश्वासीमै झेलर च्युवाब् बिसि दमस्कसइ ह्यारिमा प्रभु येशू खीष्टजी चलाइ दर्शन पिंसि खीए के लबर त्हाँइ । (पेरित १:३-९; २२:६-११; २६:१२-१८) । धै चाए हेंमै नेरो अरू हेंमैए म्हाँजोर परमेश्वरउँडले खबै सैं तोबै ताँ बिबर कुलइ । पावलइ खैले छह थोइ चइ तो-तो के लइ बिबै ताँमै प्रेरित अध्याय ९ नेरो अध्याय १३ उँडले २८ समा मुँ ।

एफिसस, फिलिप्पी, थेसलोनिका, कोरिन्थ, टर्कि नेरो ग्रिस बिबै क्ल्ह्योजरे पावल सोंखे समा ह्यासि परमेश्वरउँडले खबै सैं तोबै ताँमै बिप्रइ, छलेन च जरेबै अरू क्ल्ह्योजरे या परमेश्वरउँडले खबै सैं तोबै ताँमै बिसि च जरेबै म्हिमै बिश्वासर पखइ । छले खी ह्याब्रें लबै क्ल्ह्योजरेबै भर्खर-भर्खर बिश्वास लबै म्हिमैए ल्हागिर पावलइ फ्हिछ्यामै फ्हिसि कुलब् ग ।

पावलइ कलस्सी नेरो रोमबै बिश्वासीमैए ल्हागिरै या फ्हिछ्या फ्हिसि कुलइ, दिलेया चबै बिश्वासीमै बिस्याँ खिइ बिश्वासर पखबै आडिल ।

येशू खीष्टजी लोमिबै ताँमै छेनाले क्होबर नेरो खीए फिर बिश्वास लबै खैले छह थोल् त्हुम् बिबै ताँमै क्होमिंबर

4 डचोए प्रभु येशू ख्रीष्ट सिसेया पबित्र प्लहए थेबै शक्ति उँडले सोगों तबइले “येशू परमेश्वरए च्हन् ग!” बिबै प्रमान खीजी डचोलाइ उँडमिंड।

5 प्रभु येशू ख्रीष्ट उँडले परमेश्वरजी डए फिर दयाम्हाँया उँडसि ख्रीष्टए के लबै ल्हागिर ड कुल्मिंबै चेला चिब तल् पिंड। ताँन् हँवै म्हिमेंइ बिश्वास लसि परमेश्वरजी बिबै ताँ म्हाँदिरिगे बिसि खीजी डलाइ त्हाँइ।

6 छलेन क्हेमै रोमर टिब्मैलाज्यै या येशू ख्रीष्टए म्हिमें तरिगे बिसि परमेश्वरजी त्हाँइमुँ।

7 परमेश्वरजी क्हेमैए फिर म्हाँया लसि खीए म्हिमें तरिगे बिसि त्हाँइमुँ। छतसि क्हेमै रोमर टिब्मैलाइ डइ चु ताँमै प्लिसिन् मुँ:

डचोए परमेश्वर आबा नेरो प्रभु येशू ख्रीष्ट उँडले क्हेमैए फिर दयाम्हाँया नेरो शान्ति तरिगे।

22222 2222 2222222 222 22

8 ओसों बिल् त्हुबे ताँ, येशू ख्रीष्टए फिर क्हेमैइ बिश्वास लइमुँ बिबै छ्याँबै ताँमैए बयन ह्युल तिगोंन् थेनेइमुँ। छतसि क्हेमै ताँनए ल्हागिर येशू ख्रीष्ट उँडले डए परमेश्वरलाइ धन्यवाद पिम्।

9 डइ प्राथना लमा खोंयोंन् बिलै क्हेमैलाज्यै मैम् बिबै ताँ परमेश्वरजी सेइमुँ। खीए च्ह उँडले योबै सैं तोबै ताँ बिप्रसि डइ खीए के छेनाले लम्।

10 ड क्हेमै डार खैलसेया खल् योरिगे बिसेया डइ परमेश्वरने प्राथना लसिन् मुँ।

11 तलेबिस्याँ परमेश्वरए ताँमै अझै छेनाले लोमिसि क्हेमैलाइ बिश्वासर भोव् लमिंबै ल्हागिर ड क्हेमै डार खदा ड्हाँइमुँ।

12 छले डचो घिइ घिए बिश्वास म्रोसि डचो भों खबै के तरिगे बिब डए सैं मुँ।

13 डए अलि-अडाँमें, क्हेमैड चु ताँ सेरिगे बिब डए सैं मुँ। डइ अरू हेंबैं म्हिमें बिश्वासर पखसि चमैलाइ परमेश्वरए के छेनाले लल् खाँब्मैं लमिंड। छुलेन क्हेमैलाज्यै बिश्वासर भोव लमिसि परमेश्वरए के छेनाले लल् खाँब्मैं लमिंबै ल्हागिर क्हेमै डार ड ल्हें खे खबै सैं लइ, दिलेया तो आडिं तो के पर्दिबइले तोगो समा खल् आयो।*

14 तलेबिस्याँ ह्रोंसए हेंबैं मुँलेया, अरून् हेंबैं मुँलेया, ह्रब् सेबमैं मुँलेया, आह्र आसेबमैं मुँलेया, ताँनने परमेश्वरउँडैले खबै सैं तोबै ताँ डइ बिलन् त्हुम्।

15 छतसि खान् समा चु सैं तोबै ताँ क्हेमैं रोमथेंमैने या डइ बिल् योंस्याँ तमल इहाँडमुँ।

222 222222 222222222222 222222222222 22222

16 तलेबिस्याँ ख्रीष्टउँडैले योंबै सैं तोबै ताँ म्हिमेंने बिबै ल्हागिर ड फा आपि। यहूदीमें मुँलेया अरू हेंमैन् मुँलेया चु सैं तोबै ताँउँडैलेन् खीए फिर बिश्वास लब्मैलाइ परमेश्वरजी मुक्ति पिम्।*

17 तलेबिस्याँ चु सैं तोबै ताँउँडैलेन् परमेश्वरजी म्हिमैलाइ ह्रोंसए उँडैरि खैले ठिक ठदिम् बिसि उँडैम्। झाइले ओंसोंउँडैले लिउँडै समा बिश्वासइ मत्त्रे म्हिमें परमेश्वरए उँडैरि ठिक ठदिल् खाँम्। छुलेन “बिश्वास लसिन् परमेश्वरए उँडैरि ठिक ठदिबै म्हिइ खोंयोँइ आखाँबै छ्ह योम्।”* बिसि परमेश्वरए छ्वेर फ्हिइमुँ।

2222222222 22 222 2222222222 2222 222222222222 2222222

3 छाबै आछ्याँबै के लइ बिसि कहइ अरूलाइ दोष ल्हैदिमुँ, दिलेया ह्रॉसज्यै च केन् लप्रम् बिस्याँ परमेश्वरजी निसाफ लमा कहि स्योल् खाँम्मा? आखाँ!

4 परमेश्वरजी कहिए फिर ल्हयो खम्, छतसि युनन् सजैँ आपिं, बरु ल्हें समा कहलाइ सैदिसि म्हाँया लम् । दिलेया कहइ खीलाइ अझैँ म्हि आल! कहिए सैं खी डाँइ एरिगे बिसि परमेश्वरजी कहिए फिर ल्हयो लम् बिब कहइ आसे वा?

5 दिलेया कहइ सैं सारो लसि परमेश्वर डाँइ सैं एदा आइहाँ । छतसि परमेश्वरजी ठिक निसाफ लबै त्हिंइर कहइ अझैँ थेबै सजैँ योँम्मुँ ।

6 म्हिमैँइ खैबै के लइमुँ छाबन् इनाम परमेश्वरजी पिंम्मुँ ।*

7 तोन् तलेया छ्याँबै के लसि स्याबासि, इजेत नेरो खोँयोइ आखाँबै छह म्हैँभैँलाइ परमेश्वरजी खोँयोइ आखाँबै छह पिंम्मुँ ।

8 दिलेया फ्हाँगि कैगि लभैँ, क्हाँसेँनबै ताँ आडिँभैँ नेरो आछ्याँबै के लभैँए फिर बिस्याँ परमेश्वर हिसि खसि सजैँ पिंम्मुँ ।

9 आछ्याँबै के लबै ताँन् म्हिमैँए फिर दुःख कष्ट तब्मुँ, ओंसोँ यहूदी हेंए फिर झाइले अरू हेंमैँए फिर ।

10 छलेन छ्याँबै के लभैँलाइ परमेश्वरजी स्याबासि, इजेत नेरो शान्ति पिंम्मुँ, ओंसोँ यहूदीमैँलाइ झाइले अरू हेंमैँलाइ ।

11 तलेबिस्याँ परमेश्वरजी खाबलाज्यै आफेल ।*

12 परमेश्वरजी मोशाने पिंबै ठिम अरू हेंमैँने आरे । छतसि पाप लमा चमैँ नास तम्, दिलेया च नास तबै सजैँ च ठिमउँइले आख । दिलेया यहूदीमैँइ बिस्याँ ठिमबैँ ताँ सेइमुँ । छतसि चमैँ पाप लमा च ठिमउँइलेन् दोषि ठदिम् ।

13 तलेबिस्याँ ठिमर फ्हिबैँ ताँमैँ थेइरि मत्त्रे परमेश्वरए उँइरि ठिक आठदि, चर फ्हिब् धोँले प्रभैँ मत्त्रे परमेश्वरए उँइरि ठिक

3 यहूदीमें न्होंबै को-कोइइ खीए पबित्र बचन आक्वेरि तो तइ दि? चमैइ आक्वलै या परमेश्वर भर लल् खाँबन् मुँ ।

4 ताँन् म्हिमै स्योर्गु मुँलेया परमेश्वर क्हाँसेन्बै मुँ, खीजी स्योर आते ।

“क्हिजी क्हाँसेन्बै ताँ पोमुँ,

निसाफ तबै त्हेर क्हि ट्होगों तब्मुँ,” बिसि परमेश्वरए छ्वेर फ्हिइमुँ ।*

5 डचोइ लबै आछ्याँबै केमैउँइलेन् परमेश्वरजी लबै छ्याँबै केमै म्हिमैइ भ्रॉम् बिस्याँ डचोइ तो बिब् दि? “खीए ह्दिस डचोए फिर उँइमा परमेश्वरजी लल् आतबै के लइ!” बिब् वा? आडिं! (दिलेया म्हिमैइ छ्लेन मैल् खाँम् ।)

6 छ्वाँबै ताँ कत्ति मैल् आत! खी ठिक निसाफ लबै परमेश्वर ग! आस्याँ खीजी खैले ह्युलबै म्हिमैए निसाफ छेनाले लल् खाँम्?

7 “डइ लबै स्योलिबै ताँमैइ लमा परमेश्वरजी डइ योल् त्हुबै सजै पिंसि खीए मिं कैंडों लम् बिब सेना-सेन् ड तले पापर च्हारिइमुँ?”

8 छ्त्तसि “परमेश्वरए छ्याँबै बानि झन् छेनाले भ्रॉरिगे बिसि डचोइ झन् पाप लले ।” बिम् रो बिसि को-कोइ म्हिमैइ डचोए फिर स्योलिबै छ्याब् ल्हादिम् । छ्ले आगुए फिर छ्याब् ल्हादिबै म्हिमैइ थेबै दण्ड योब्मुँ ।

???????? ?? ???? ?? ??

9 छ् बिस्याँ अरू म्हिमै भन्दा डि यहूदीमें ठिक मुँ वा? तिफुँड आरे! तलेबिस्याँ यहूदी मुँलेया अरू ह्देंमै मुँलेया ताँन् म्हिमै पापर्न मुँ बिसि डइ ओंसों बिवाल् खाँइमुँ ।

10 परमेश्वरए छ्वेर छ्ले फ्हिइमुँ:

“परमेश्वरए उँइरि खाबज्यै या ठिक के आल,

अँहँ ठिक के लबै म्हि घि या आरे ।

22 छतमा येशू ख्रीष्टए फिर बिश्वास लब्भैं ताँनलाइ परमेश्वरजी ठिक ठर्दिम्। यहूदी नेरो अरू ह्देंमैं खाबलाज्यै या खीजी आफेल।☆

23 तलेबिस्स्याँ ताँन् म्हिइ पाप लइमुँ, छतसि खी डाँर फेनेल् आखाँइमुँ।

24 दिलेया परमेश्वरजी दयाम्हाँया लसि येशू ख्रीष्टउँइले ताँन् म्हिलाइ छलेन् ठिक ठर्दिमिंइमुँ।

25 म्हिमैए पाप मेदिदिमिंबै घ्याँ येशू तरिगे बिसि परमेश्वरजी ख्रीष्ट येशूलाइ डचोए पापए ल्हागिर खो तसि सिबर कुल्मिंइ। छतसि डचोए ल्हागिर खो तसि येशूजी को बग्दिइ बिब म्हिमैइ क्वेंस्याँ चमैं परमेश्वरए उँइरि ठिक ठर्दिम्। येशू युब् भन्दा ओसोन् म्हिमैइ पाप ललेया परमेश्वरजी हिस थाँम्दिसि म्हिमैलाइ पापए सजैं आपिंइमुँ,

26 तलेबिस्स्याँ खीजी चमैं डचोने बालु खागु लइ, धै च ताँन् पापए सजैं येशूजी नोमिंइ। परमेश्वरजी ठिक निसाफ लमुँ धै येशूए फिर बिश्वास लब्भैं ताँनलाइ खीजी ठिक ठर्दिमिंम् बिसि उँइमिंबै ल्हागिर्न खीजी छान् लइ।

27 छतसि डचोइ तले फ्हेँल् ल्हुइ? फ्हेँबै ताँ तोइ आरे। डचोइ ठिमइ बिब् डिंसि परमेश्वरए उँइरि ठिक ठर्दिस्याँ फ्हेँबै घ्याँ या तमल, दिलेया येशू ख्रीष्टए फिर बिश्वास लसि मत्त्रे ठिक ठर्दिबइले फ्हेँबै ताँ तोइ आरे।

28 छतसि ठिमइ बिब् म्हाँदिसि परमेश्वरए उँइरि ठिक ठर्दिल् आखाँ, दिलेया येशू ख्रीष्टए फिर बिश्वास लसि मत्त्रेन् परमेश्वरए उँइरि म्हिमै ठिक ठर्दिम्।

29 परमेश्वर यहूदीमैए परमेश्वर मत्त्रे आडिं। अरू ह्देंमैलैया परमेश्वर ग।

तलेबिस्याँ चमैए छ्याबैँ परमेश्वरजी क्षमा पिंडमुँ,
धै चमैए पापमैँ खीजी मेटिमिंडमुँ ।

8 याहवेहजी पापए हिसाब आकिंबैँ म्हि
बेल्ले इहो सब ग!"*☆

9 चु "इहो सब ग" बिबैँ ताँ ज्युर चिनु लबैँ यहूदीमेंए ल्हागिर
मत्त्रे आडिं, ज्युर चिनु आलबमैँए ल्हागिरैँ ग । तलेबिस्याँ ठिमबैँ
ताँ डिइ ओसोन् बिल,

"अब्राहामइ परमेश्वरए फिर बिश्वास लइ ।

चाए बिश्वासइ लमा परमेश्वरजी चलाइ ठिक ठदिमिंड ।"

10 परमेश्वरजी अब्राहाम खोंयोँ ठिक ठदिइ? चइ ज्युर चिनु
लबैँ लिउँइ उ ओसोन्? ज्युर चिनु लब् भन्दा ओसोन् च ठिक
ठदिइ ।

11 अब्राहामइ ज्युर चिनु लब् भन्दा ओसोन् परमेश्वरए फिर
बिश्वास लबइले परमेश्वरजी चलाइ च त्हेर्न ठिक ठदिइ । च
लिउँइ परमेश्वरजी चलाइ ठिक ठदिबैँ चिनु तरिगे बिसि ज्युर
चिनु लल् पिंड । ज्युर चिनु लब् भन्दा ओसोन् अब्राहाम ठिक
ठदिबइले ज्युर चिनु आललैया बिश्वास लबमैँए खे अब्राहाम
तइ, तलेबिस्याँ ज्युर चिनु आललैया म्हिमैँइ बिश्वास लसिन्
परमेश्वरए उँइँर ठिक ठदिम् ।*☆

12 ज्युर चिनु लब् भन्दा ओसोन् अब्राहामइ परमेश्वरए
फिर बिश्वास लइ । छतसि ज्युर चिनु लबैँ यहूदीमें या
अब्राहामइ धोलेन् परमेश्वरए फिर बिश्वास लइबिस्याँ चमैँए
खे अब्राहामन् ग ।

□□□□□□□□ □□□□□□ □□□□□□□□□□□□□□□□
□□□□□□□□ □□□□ □□□□□□

13 अब्राहाम नेरो चाए सन्तान ह्युलबैँ हकवालामैँ तम् बिसि
परमेश्वरजी फैबैँ बाछ्छा अब्राहामइ ठिमर बिब् धोले लसि बाछ्छा

फैब् आडिं, परमेश्वरए फिर बिश्वास लसि ठिक ठदिबइले परमेश्वरजी च नेरो चए सन्तानने चु बाछ्हा फैइ।*

14 ठिमर फ्लिबै ताँ म्हँदिभैं मत्त्रे ह्युलबै हाकवालमैं तम् बिस्याँ बिश्वास लसि फायदा आरे। छ् तस्याँ बाछ्हा फाक्कन तमल।*

15 तलेबिस्याँ ठिमबै ताँ आम्हाँदिभैं म्रोसि परमेश्वर हिस खम्, दिलेया ठिमन् आरेस्याँ पाप तो जा बिसेया आसेमल।

16 परमेश्वरजी पिंम् बिसि फैबै बाछ्हा अब्राहामए सन्तानमैंइ योरिगे बिसि म्हिमैंइ बिश्वास लबइले परमेश्वरजी पिंइ। च थेबै दयाम्हाँया ठिमबै ताँमैं म्हाँदिबै सन्तानए ल्हागिर मत्त्रे आडिं, अब्राहामइ धोले बिश्वास लभैंए ल्हागिरै ग। तलेबिस्याँ डचो ताँनए खे अब्राहाम ग।*

17 परमेश्वरए छ्वेर छले फ्लिइमुं,
“डइ कहिलाइ हें-हेंमैंए खे तल् पिंइमुं।”*

अब्राहामइ परमेश्वरए फिर बिश्वास लबइले परमेश्वरए उँइर अब्राहाम डचो ताँनए खे ग। परमेश्वरजी सियाबै म्हिलाइ सोगों लमिंम्, धै म्हिमैंइ लल् आखाँबै सै या खीजी पोंसि तल् लमिंम्।

18 छलेन “किहए सन्तानै या च्योलै आखाँल्ले तभ्मुं” बिसि परमेश्वरजी चने बिल।* छतसि फ्हेसे तम् बिसि तिफुँइ आशा आरेबै त्हेरै या अब्राहामइ बिश्वास लसि आशा थेंबइले च हें-हेंमैंए खे तइ।

19 च त्हेर अब्राहाम प्र वर्ष तबर होंल च सिबै त्हे तयालैया, ह्रोंसए फ्लेंस्यो सारा या माँब् तसि फ्हेसे तल् आखाँ बिब् सेलैया अब्राहामइ परमेश्वरए तौर कत्ति संका आल।*

20 परमेश्वरजी फैबै बाछ्हा चइ छेनाले बिश्वास लसि संका आलल्ले बिश्वासर भोंब तसि परमेश्वरए मिं क्वेइ।

☆ 4:13 4:13 00 00:४-६; २२:१७-१८; गला ३:२९ ☆ 4:14 4:14 000 0:१८

☆ 4:16 4:16 000 0:७ ☆ 4:17 4:17 00 00:५ ☆ 4:18 4:18 00 00:५ ☆ 4:19

4:19 00 00:१७

परमेश्वरजी डचोए फिर बेल्ले म्हाँया लइमुँ बिसि पबित्र प्लहजी डचोए सैं न्होंर छेनाले सेल् पिंग् ।

6 तलेबिस्याँ मुक्ति योंबर डचोइ तोइ लल् आखाँमै या ख्रीष्ट ह्रोंसन् युसि पापिमैए पाप त्होमिंबर ठिक त्हेर सिमिंड ।

7 ठिक के लबै म्हिए ल्हागिर बेल्ले गारोले को-कोइ सिलै, छ्याँबै के लबै म्हिए ल्हागिरै या को-कोइ सिबै आँट ललै ।

8 दिलेया परमेश्वरजी खीए म्हाँया डचोए फिर कति ल्हें मुँ बिसि छले उँइँमुँ, डचो पापि मुँमन् डचोए पाप त्होमिंबर येशू ख्रीष्ट सिमिंड !

9 छतसि डचोए पापए ल्हागिर येशू खो तसि सिमिंबइले डचो परमेश्वरए उँइँर ठिक ठदिइमुँ । छतसि परमेश्वरए हिसउँइँले येशूजी डचोलाइ जोगेमिंभुँ ।

10 तलेबिस्याँ डचो परमेश्वरए शत्तुर मुँमन् खीए च्ह येशू ख्रीष्ट सिमिंबइले परमेश्वरजी डचो खीए म्हिए तल् पिंडमुँ बिस्याँ, खीए म्हिए तबइले झन् ख्रीष्टए कोजी डचोलाइ खैलेबिलेन् जोगेमिंभुँ ।

11 च्हाँ मत्त्रे आडिं, येशू ख्रीष्टउँइँले डचो परमेश्वरर सैं तौरिइमुँ, तलेबिस्याँ येशू ख्रीष्टउँइँले डचो परमेश्वरए म्हिए तल् योंइमुँ ।

000 0000 00000000000 0000000 0000, 0000
0000000000000 0000000 000000 000 00000

12 ताँन् भन्दा ओंसोंबै म्हि आदमइ परमेश्वरजी बिब् आडिंबइले ह्युलर पाप तखइ, च पापइ लमा म्हिए सिल् त्हुइ । ताँन् म्हिए पाप लबइले म्हिए ताँन् सिल् त्हुइ ।*

13 परमेश्वरजी ठिम पिंब् भन्दा ओंसों या ह्युलर म्हिए पाप लमल, दिलेया ठिम आरेबइले पापए हिसाब आत ।

14 दिलेया आदमाए पलो ओंनों मोशाए पलो समा ताँन् म्हिमें सिल् त्हुइ । आदमइ लब् धोबै के आलबै म्हिमें या सिल् त्हुइ ।

आदमइ लबै केए नों ताँन् म्हिमेंइ योब् धोले येशू ख्रीष्टजी लबै केए नों या ताँनइ योम् । छतसि येशू ख्रीष्टए नमुना आदम तइ ।

15 दिलेया चमैं ड्हंए के स्योन् मुँ: तलेबिस्याँ आदम बिबै म्हि घ्रिइ लबै पापउँडैले ल्हें म्हिमें सिइ । दिलेया परमेश्वराए दयाम्हाँया नेरो येशू ख्रीष्ट बिबै म्हि घ्रिउँडैले ल्हें म्हिइ छलेन् आशिक योंइ ।

16 छलेन् पिबै आशिक आदम बिबै म्हि घ्रिइ लबै पापए नों धों तब आडिं । आदमइ लबै पापउँडैले म्हिमें दोषि ठदिसि चमैंइ सजैं योंइ । दिलेया म्हिमेंइ पाप ल्हें लनाविलेया परमेश्वरजी खीए थेबै दयाम्हाँयाउँडैले आशिक पिसि म्हिमेंलाइ छलेन् ठिक ठदिमिंइ ।

17 म्हि घ्रिए पापइ लमा ताँन् म्हिमें सिल् त्हुइ बिस्याँ, झन ल्हें परमेश्वराए दयाम्हाँया नेरो येशू ख्रीष्टए छ्याँबै केउँडैले आशिक छलेन् योंबै म्हिमेंइ येशू ख्रीष्टउँडैले खोंयोइ आखाँबै छ्ह योंब्मुँ ।

18 खैले म्हि घ्रिए पापइ लमा ताँन् म्हिमेंइ पापए सजैं योल् त्हुइ, छलेन म्हि घ्रिए छ्याँबै केइ लमा ताँन् म्हिमें परमेश्वराए उँडैर ठिक ठदिसि खोंयोइ आखाँबै छ्ह योंब् तइ ।

19 खैले म्हि घ्रिइ परमेश्वराए ताँ आडिंसि ताँन् म्हिमें पापि तइ, छलेन येशू ख्रीष्टजी परमेश्वरजी बिब् डिंबइले ल्हें म्हिमें परमेश्वराए उँडैरि ठिक ठदिल् योंब्मुँ ।

20 पाप कति ल्हें लइ बिब् सेरिगे बिसि परमेश्वरजी ठिम पिंइ । खैले पाप ल्हें ततै ह्याइ, छलेन परमेश्वराए दयाम्हाँया झन् ल्हें ततै ह्याइ ।

21 पापइ लमा खैले म्हिमें सिल् त्हुइ, छलेन परमेश्वराए दयाम्हाँयाजी लमा खीजी डचोलाइ ठिक ठदिमिंइमुँ, धै प्रभु येशू ख्रीष्टउँडैले डचोइ खोंयोइ आखाँबै छ्ह योंइमुँ ।

6

□□□ □□□□□ □□□□ □□□□□□, □□□□□□ □□□□
□□□□□□□ □□□ □□□□□

1 छत्तसि डचोइ तो बिले? परमेश्वरए दयाम्हाँया झन् ल्हें योरिगे बिसि डचो झन् पापन् लरिब् आ?

2 कत्ति आडिं! छ लब आत। पापए लेखि डचो सिल् खाँइ, छत्तसि डचो अझै पापन् लरिब् आ?

3 क्युर प्त्हुँसि बप्तिस्मा किंबै मतलब क्हेमैँइ म्लेयाइ वा? येशू ख्रीष्टए मिंर डचोइ बप्तिस्मा किंमा प्रभुने बालुन् सिब् ग बिब क्हेमैँइ सेइमुँ।

4 छत्तसि डचोइ बप्तिस्मा किंमा येशूने बालुन् सिसि पाइ, धै थेबै शक्ति मुँबै परमेश्वर आबाजी येशू ख्रीष्टलाइ सिबउँइले धबै सोगों लमिंइ, छत्तसि डचोइ ओसों लब् धोंबै आछ्याँबै केमैँ पिसि छ्याँबै केमैँ लल् त्हुम्।*

5 येशू सिमिंबइले डचो या खीनेन् घिन् तइमुँ बिस्याँ, येशू धबै सोगों तब् धोंले डचो या धबै सोगों तब्मुँ।

6 डचोइ पाप आलरिगे धै डचो पापए न्होंर आटिरिगे बिसि परमेश्वरजी डचोए ओसोंबै छ्ह येशू ख्रीष्टने बालु कूसर च्योवाइमुँ बिब डचोइ सेइमुँ।

7 तलेबिस्याँ सियाल् खाँबै म्हिइ पाप आल।

8 डचो ख्रीष्टने बालुन् सिइमुँ बिस्याँ, खीने बालुन् सोब्मुँ बिसि डचोइ बिश्वास लम्।

9 तलेबिस्याँ ख्रीष्ट सिसेया धबै सोगों तइमुँ, तारे खी खोंयोँइ आसि, खीलाइ कालइ तोइ लल् आखाँ बिसि डचोइ सेइमुँ।

10 पाप नास लवाबै ल्हागिर ख्रीष्ट तिला सिमिंइ, दिलेया ख्रीष्ट धबै सोसि परमेश्वरए सैर मैब् धोंबै के लसिन् टिरिइमुँ।

11 च धोलेन् कहेमैज्यै या ह्नों-ह्नोंसलाइ पापए लेखि सिसि परमेश्वरए मान लबै ल्हागिर ख्रीष्टने बालुन् सोरिइमुँ बिसि मैल् त्हुम् ।

12 छतसि पाप लबै सैं आखरिगे बिसि कहेमैए सिल् त्हुबै ज्युर पाप लल् आपिन् ।

13 छलेन ह्नोंसए ज्युबै भागमैलाइ पाप केमै लबर आल्हैदिद् । बरु सिबडले धबै सोगों तबै म्हि धोले छयाँबै के लबै ल्हागिर ह्नोंसलाइन परमेश्वरए योर पिवाँन् ।

14 तारे कहेमैए फिर पापइ तोइ लल् खाँरिब् आरे, तलेबिस्याँ कहेमै टिमए न्होर आरे, परमेश्वरए दयाम्हाँयाए न्होर मुँ ।

???? ???? ????? ??????????????? ?? ??

15 तारे तो बिले? डचो टिमए न्होर आरे, दयाम्हाँया न्होर मुँ बिसि पाप लब् वा? आडिं, लल् आत!

16 कहेमैइ ह्नोंसलाइ खाबै योर पिवाँमुँ? चए केब्छैन् कहेमै तल् त्हुम् । पापए केब्छै तसि चइ बिब डिंइ बिस्याँ किह सिल् त्हुब्मुँ, दिलेया परमेश्वरजी बिब डिंइ बिस्याँ खीए उँइर कहेमै ठिक ठदिब्मुँ ।

17 ओंसों कहेमै पापए केब्छै मुँल, दिलेया तोगो कहेमैए सैं न्होउँइले परमेश्वरजी बिबै ताँ डिंभै तइमुँ । छतसि परमेश्वरलाइ धन्यवाद तरिगे ।

18 कहेमै पाप के लब् पिसि परमेश्वरए के लब्मै तइमुँ ।

19 कहेमैइ कहोल् आखाँ उ बिसि डइ कहोल्ले बिरिइमुँ । ओंसों कहेमैइ खैले ह्नोंसए यो फ्हेलेलाइ पापर च्होवाबै आछयाँबै केमै लल् पिल । छलेन तारे पापर आच्छोरिगे बिसि ह्नोंसए यो फ्हेले परमेश्वरए के लबै ल्हागिर पिवाँन् ।

20 ओंसों कहेमै पापए न्होर टिमा परमेश्वरए उँइरि ठिक तबै के लल् आत्हुमल ।

21 ओंसों लबै आछ्याँबै केमैं मैसि कहेमैं तिंजोरो फापिम् । च केमैं लसि कहेमैंइ तो योंइ? च केमैं लइरिम् कहेमैं सिल् त्हुम् ।

22 दिलेया तारे कहेमैं पापउँइले फ्रेसि परमेश्वरए के लबै म्हिमें तइमुँ । छत्तसि तारे कहेमैंने तल् त्हुबै रो छ्याब् आरेबै छ्ह ग । छले कहेमैंइ खोंयोँइ आखाँबै छ्ह योंम् ।

23 तलेबिस्याँ पाप लब्मेंइ योंबै नों सिब ग! दिलेया परमेश्वरजी छलेन् पिंबै दान ड्योए प्रभु येशू ख्रीष्टउँइले खोंयोँइ आखाँबै छ्ह योंब् ग ।

7

११११११ १११ ११११११११ १११

1 ओ अलि-अडाँमें, कहेमैं ठिमबैं ताँ क्होब्मेंने ड बिमुँ: म्हिमें सोगों मुँन् समा मत्त्रे ठिमइ के लम् बिब कहेमैंइ आसेइमुँ वा?

2 नमुना म्नि बिले, ब्या लबै च्मिरिल ह्रोंसए प्युँ सोन् समा ठिमर बिब् धोंले च प्युँनेन् टिल् त्हुम् । दिलेया प्युँ सियास्याँ च च्मिरिलाइ ठिमइ फैल् आखाँ ।

3 दिलेया ह्रोंसए प्युँ मुँन्-मुँन् अरू मुँयुँने बालु प्रइबिस्याँ च ब्यभिचार लबै च्मिरि तब्मुँ । दिलेया प्युँ सियाइबिस्याँ च च्मिरि ठिमए न्होंर टिल् आत्हु । झाइले अको मुँयुँने बालु ब्या ललेया चाए फिर ब्यभिचारए छ्याब् आल्हैदि ।

4 छत्तसि ओ डए अलि-अडाँमें, सिबउँइले धबै सोगों तबै ख्रीष्टए ज्युने म्निन् तसि परमेश्वरए सैर मैब् धोंले लल् खाँरिगे बिसि ख्रीष्ट सिब् धोंलेन् कहेमैं या ठिमए लेखि सिइमुँ ।

5 ओंसों ड्यो पाप लदै छ्ह थोरिल, छत्तसि कालए सुँर फेनेबै आछ्याँबै केमैं लबर ठिमइ भों पिसि पाप लदा इहाँबै सैं खसि ड्योइ ज्युर आछ्याँबै के लमल ।

6 दिलेया तारे डचोलाइ फैथेंबै टिमए लेखि डचो सियाइमुँ। छतसि डचो टिमइ बिब् धोले ओसोंबै तरिकाले आडिं, परमेश्वरए प्लहजी लोमिंब् धोले छारा तरिकाले सेवा लम्।

ॐॐॐॐ ॐॐॐ ॐॐॐॐॐॐॐ

7 छ बिस्याँ डचो तो बिले? टिमन् पाप वा? कत्ति आडिं! टिम आरेस्याँ डइ पाप बिब तो जा बिसि आसेमल, तलेबिस्याँ टिमइ “लोब आलद्” आबिस्याँ डइ लोब लब तो जा बिसि आसेमल, ☆

8 दिलेया टिमइ “लोब आलद्” बिबइले डए आछ्याँबै इच्छाइ मौका च्यासि डए सैंड ल्हें खालबैं लोब खल् पिंमल, तलेबिस्याँ टिम आरेबै त्हेर आछ्याँबै केमैं ललेया डइ आछ्याँबै के लइ बिसि डइ आसेमल।

9 टिमइ बिबै ताँ आसेमा ड सोगों मुँल, दिलेया डइ ठमबैं ताँ था सेबइले आछ्याँबै इच्छा भोंब तइ, ड बिस्याँ सिल् त्हुइ।

10 छले छह पिंबै टिमइ डलाइ सैवाइ।

11 तलेबिस्याँ पापइ टिमबैं ताँउँइले मौका च्यासि टिमउँइले डलाइ लुसि सैवाइ। ☆

12 परमेश्वरजी पिंबै टिम पबित्र मुँ, धै चुइ ठिक ताँ लोमिंम्, म्हिमैए ल्हागिर चु छ्याँब मुँ।

13 छ बिस्याँ छ्याँबै टिमइ डलाइन सैवाइ बिब् तम्मा? आत! वरु पाप पापए रुपर्न म्गोरिगे बिसि पापइ छ्याँबै केउँइले डलाइ सैवाब् ग। तलेबिस्याँ टिमइ पाप बेल्ले आछ्याँबै सै ग बिसि छेनाले उँइम्।

ॐॐॐॐॐ ॐॐॐॐ ॐॐॐॐॐ ॐॐॐॐॐ

14 टिम पबित्र प्लह उँइले खबै छ्याँबै सै ग बिसि डचोइ सेइमुँ, दिलेया ड ह्नांसए सैंर मैब् धोले आछ्याँबै केमैं लप्रबै म्हि तबइले ड केब्छैं तयाइमुँ धै चए न्होर मुँ।

15 डइ लबै के तले डइ लरिडमुँ बिसि डइ था आसे, तलेबिस्याँ डइ लदा इहाँबै छयाँबै के आल, बरु लदा आइहाँबै आछयाँबै केन् डइ लम् ।☆

16 डइ लदा आइहाँबै आछयाँबै केमैन् लइ बिस्याँ ठिम छयाँब मुँ बिसि डइ म्हाँदिम् ।

17 छतसि आछयाँबै केमै लब डइ आडिं, डए न्होँबै पापइ लब् ग ।

18 डए न्होरि, अथवा डए ओंसोबै बानिरि, छयाँबै सै तोइ आरे बिसि डइ सेइमुँ । तलेबिस्याँ छयाँबै के लदा इहाँलेया डइ च के लल् आखाँ ।

19 डइ लदा इहाँबै छयाँबै के ड आल, बरु डइ लदा आइहाँबै आछयाँबै केन् डइ लम् ।

20 छतसि डइ लदा आइहाँबै केन् लम् बिस्याँ च के लब ड आडिं, बरु डए सैर टिबै पापइ लब् ग ।

21 छतसि डइ छले क्होइमुँ: छयाँबै के लदा इहाँना-इहाँन् डइ पाप मत्त्रे लम्,

22 तलेबिस्याँ डए सैं प्रिइ परमेश्वरए ठिम म्हाँदिबर बेल्ले सैं तोम्,

23 दिलेया ड न्होँबै अको सैइ डए सैइ खोबै ठिमए बिरोध लम् । च बिरोध लबै सैइ डलाइ आछयाँबै इच्छाए न्होर फैवाम् ।

24 ओहो, ड खैबै इहो आसबै म्हि! डलाइ सैवाबै आछयाँबै इच्छाए न्होरउँइले खाबइ ड जोगेमिब् इहे?

25 परमेश्वरलाइ धन्यबाद तरिगे, तलेबिस्याँ प्रभु येशू ख्रीष्टजीन् डचोलाइ जोगेमिंइमुँ!

छतमा डए हालत छाबन् ग । डइ ह्हाँसए सैइ मत्त्रे परमेश्वरए ठिम म्हाँदिम्, दिलेया डए ओंसोबै बानिइ पापए सेवा लम् ।

3 डए ह्रेंबै अलि अडाँमेंइ खोंयोँइ आखाँबै छह योंबै ल्हागिर परमेश्वरजी डलाइ सराप पिसि डन् ख्रीष्टउँडँले फ्रेवाल् त्हुलेया ड सैं तोंमल ।

4 परमेश्वरजी चमैलाइ ह्रोंसए म्हिमें तबै ल्हागिर त्हाँइ । खीजी चमैलाइ ह्रोंसए फ्हसेमें लसि खीए औदिबै केमें उँडँमिँइ । खीजी चमैए खेमैने बाछ्छा फैसि टिम पिँइ, धै खीए सेवा लबै या लोमिँइ, छले खीजी फैबै बाछ्छामै चमैँइ योँइ ।*

5 स्योँम्बै मिं कालदिबै थे-थेबै चिबनाँब्मैँ यहूदीमेंए खेमैँन् ग । धै ख्रीष्ट या म्हि तसि च ह्रेंर्न फिइ । म्हि तनाबिलेया खी ताँन् म्हिमेंए फिर ग्याल्स लबै परमेश्वर ग । छतसि खोंयोँन् बिलै खीए मिं थेब् लल् त्हुम् । आमेन, छान् तरिगे ।

6 त्हेँ यहूदीमें ख्रीष्टए लिलि आप्र बिबर्न परमेश्वरजी चमैँए खेमैँने फैबै बाछ्छामैँ फाक्कर्न तइ बिब् वा? आडिं, तलेबिस्याँ इस्राएली ह्रेंर फिबै ताँन् म्हिमें परमेश्वरजी त्हाँबै म्हिमें ग बिल् आखाँ ।

7 झाइले अब्राहामए ताँन् सन्तानमें परमेश्वरए च्ह-च्हमिमें आडिं । अब्राहामल च्ह डिहं मुँनबिलेया परमेश्वरजी छ बिल, “इसहाकउँडँले योंबै सन्तान मत्त्रे किहए सन्तान ठर्दिब्मुँ ।”*

8 चुए अर्थ, से कोउँडँले फिब्मैँ* परमेश्वरए च्ह-च्हमिमें आडिं । बरु परमेश्वरजी बाछ्छा फैसि पिंम् बिसि योंबै च्ह-च्हमिमें मत्त्रे अब्राहामए सन्तान ठर्दिम् ।

9 तलेबिस्याँ परमेश्वरजी अब्राहामने छले बाछ्छा फैथेंल, “क्हुरिमा चु त्हेर्न ड युमा किहए फ्हेँस्यो साराई च्ह फिब्मुँ ।”*

10 च च्ह डचोए खे इसहाक मुँल, लिउँडँ इसहाकए फ्हेँस्यो रिबेकाइ जौले च्हमैँ फिइ ।

☆ 9:4 9:4 □□□□ □:२२ ☆ 9:7 9:7 □□ □□:१२ * 9:8 9:8 □□ □□□□□□ □□□□□□ □□□□ □□□□□□ □□□□ □□□□□□ (गलाती ४:२२-२३) ☆ 9:9 9:9 □□ □□:१०

11 चमैइ छयाँब आछयाँब तोइ आलमन् फो न्होर मुँमन् चमैए के इह्योसि आडिं, बरु परमेश्वरजी बिब् धोलेन्, च च्हमैं इहंर ध्रिलाइ त्हाँल बिबै प्रमाण उँइंबर

12 “थेब च्योबए के लबै म्हे तब्मुं,” बिसि ओसोन् खीजी रिबेकाने बिल ।☆

13 “याकूबलाइ म्हाँया लसि त्हाँइ,

दिलेया एसावलाइ डइ आखो बिसि,” परमेश्वरए छ्वेर फ्हिइमुं ।☆

14 चु तार डचोइ तो बिब् दि? परमेश्वरजी अनिया लइ बिब् वा? आडिं, कत्ति अनिया आलइमुं! तलेबिस्याँ

15 “डइ खाबए फिर म्हाँया लदा इहाँमुं, चलाइन म्हाँया लम् ।

डइ खाबै फिर ल्हयो खदा इहाँमुं, चए फिर्न ल्हयो खम् ।”

बिसि खीजी स्योमन् मोशाने बिल ।☆

16 छतसि म्हेए इच्छा नेरो भोइ आडिं, परमेश्वरए म्हाँयाजी म्हेलाइ त्हाँब ग ।

17 मिश्र ह्युलबै फारो मुँए बारेर परमेश्वरए छ्वेर छले फ्हिइमुं,

“क्हिइ डए शक्ति ह्युल तिगोन् उँइरिगे,

धै डए शक्ति मुँबै मिं बिप्ररिगे इहाँसि,

डइ क्हेलाइ मुँ लमिंइ ।”☆

18 छले परमेश्वरजी खीजी ल्हयो खदा इहाँबमैए फिर ल्हयो खम्,

धै सैं सारो लमिंदा इहाँबमैलाइ खीजी सैं सारो लम् ।

□□□□□□ □□□□ □ □□□□□□ □□□□□

19 क्हेमै न्होरि को-कोइइ बिमुं, “छ बिस्याँ परमेश्वरजी तले म्हेमैं छयाबू मुँबन् ठदिमुं? तलेबिस्याँ खीए इच्छाए विरोधर खाबू रालू खाम्?”

☆ 9:12 9:11-12 □□ □□:२३ ☆ 9:13 9:13 □□□ □□:२-३ ☆ 9:15 9:15 □□□□ □□:१९

☆ 9:17 9:17 □□□□ □□:१६

20 छतसि म्हिमेंइ परमेश्वरए बिरोध लसि पोंबै घ्याँ आरे । सए भाँडोइ कुमालेलाइ “क्हइ तले डलाइ छाब् लल?” बिम् रो वा? आबि!✧

21 कुमालेइ ह्रोंसइ चेंबै सउँइले ह्रोंसए सैंर मैब् धों तबै भाँडो लबै हग मुँ । छतसि चइ चेंबै सउँइले कोइ छ्याँबै केए ल्हागिर मत्त्रे ओलेबै भाँडो बनेम्, कोइ खोंयोन् बिलै ओलेबै भाँडो बनेम् । कुमालेइ मैब् धोले बनेम् ।

22 छलेन परमेश्वरलै या ह्रोंसए ह्रिस नेरो शक्ति उँइबै सैं मुँ । दिलेया ह्रिसर कुमालेइ भाँड कोचेब् धोले कोचेल् त्हुबै म्हिमें मुँलेया खीजी चमैए आछ्याँबै केमें सैदिसि टिइमुँ ।

23 चमैलाइ तले सैदिइ बिस्याँ परमेश्वरजी खीए बेल्ले थेबै मान तबै चारबै ह्वे ताँनलाइ उँइबै सैं लइ । च ह्वे डचोय्ज्यै या योंरिगे बिसि डचोलाइ थेबै केर फेबै भाँडो धों तब् लमिंइ,

24 तलेबिस्याँ खीजी हुइबै म्हिमें डचो ग । खीजी यहूदीमें मत्त्रे हुइब आडिं, अरू ह्रेंमैलाज्यै या हुइमुँ ।

25 होशे मिं मुँबै अगमबक्ताइ अरू ह्रेंमैए बारेर परमेश्वरए छ्वेर छले फ्रिइमुँ,

“ओंसों डए म्हिमें आडिंभैलाइ

तारे डए म्हिमें बिब्मुँ ।

डइ आखोबै ह्रेंमैलाज्यै

लिउँइ डइ खोसि हुइब्मुँ।✧

26 क्हेमें डए म्हिमें आडिं बिबै कल्ह्योर्न

‘क्हेमें सोगों परमेश्वरए सन्तान ग’ बिसि हुइब्मुँ ।”✧

27 यशैया मिं मुँबै अर्को अगमबक्ताइ यहूदीमेंए बारेर छले बिइमुँ,

“यहूदीमेंए सन्तान मा डचुँइबै बालुवा धोलेन् ल्हें तलेया

चमै न्होरि च्युगुदे मत्त्रेन् जोगेब्मुँ ।

28 तलेबिस्याँ याहवेहजी युनन् सजै पिसि
ह्युल नास लवाब्मुं ।”☆

29 चु भन्दा ओसों यशैयाइ चु या बिइमुं, “स्वर्गबै सेनामैए चिब
याहवेहजी सदोम नेरो गमोरा बिबै सहरबै म्हिमै नास लवामा
डचोए ल्हागिर सन्तान ग्नि या आथेंस्याँ डचो यहूदीमै च सहरबै
म्हि धोलेन् नास तबर फेमल ।”☆

□□□□□□□□□□ □□□□□□□□□□ □□□ □□□□□□□□ □□□

30 छतसि डचोइ तो बिल् त्हुम्? टिमइ बिब धोले आप्रलैया
अरू हेंबै म्हिमैइ बिश्वास लबइले परमेश्वरजी चमैलाइ खीए
उँइरि ठिक ठदिइ ।

31 दिलेया यहूदीमै परमेश्वरए उँइरि ठिक ठदिबै ल्हागिर टिमइ
बिब धोलेन् लल म्हेइ दिलेया लल आखाँ ।

32 तले आखाँ बिस्याँ चमैइ बिश्वास आलल्ले धर्म-कर्म लसि
परमेश्वरए उँइरि ठिक ठदिम् बिसि मैरिल । छतसि चमैए ल्हागिर
येशू खीष्ट फ्ले थुरबै युँमा धोन् तइ ।

33 येशू खीष्टए बारेर परमेश्वरए छवेर छले फ्लिइमुं,
“इह्योद, डइ यहूदीमैए म्हाँजोरि फ्ले थुरबै युँमा थेंम्,
च युँमार ल्हे म्हि थुरसि क्हुरयाब्मुं,

दिलेया खीए फिर बिश्वास लबै
खाबै या सैं च्योब तल त्हुरिब आरे ।”☆

10

1 ओ अलि-अडाँमै, डए सैं न्होउँइलेन् यहूदीमैलाइ
परमेश्वरजी जोगेमिरिगे बिब डए थेबै इच्छा मुं, चमैइ खोँयोँइ
आखाँबै छ्ह योरिगे बिसि डइ परमेश्वरने प्राथना लम् ।

2 चमैइ परमेश्वरलाइ बेल्ले छेनाले म्हाँदिदा इहाँमुँ बिसि ड साक्षि पिल् खाँम्; दिलेया खैले म्हाँदिल् त्हुम् बिसि चमैइ आसेइमुँ ।

3 परमेश्वरजी म्हिलाइ खैले ठिक ठदिमुँ बिब चमैइ वास्ता आल, बरु चमैइ ह्रोंसइ लबै धर्म-कर्मइ परमेश्वरए उँइरि ठिक ठदिल् म्हैइ । छतमा चमै परमेश्वरए उँइरि ठिक ठदिबै घ्यार प्रल् आडिं ।

4 तलेबिस्याँ खीए फिर बिश्वास लब्मै ताँन् परमेश्वरए उँइरि ठिक ठदिरिगे बिसि डचोए ल्हागिर ख्रीष्टजीन् ठिमइ बिब धोबै के लमिंइ ।

?????? ?????? ??????? ??????? ???????

5 ठिमइ बिब धोले प्रसि परमेश्वरए उँइरि ठिक ठदिल् म्हैब्मैए बारेर मोशाइ छले फ्हिइमुँ,

“ठिमइ बिब धोले प्रबै म्हि सोब्मुँ ।”☆

6 दिलेया ख्रीष्टए फिर बिश्वास लसि मत्त्रे परमेश्वरए उँइरि ठिक ठदिम् बिबै बारेर ठिमइ छले विइमुँ,

“क्हेमैए सैर ख्रीष्टलाइ क्युरु पुइबर स्वर्गर खाब् ह्यामुँ?” आबिद् ।

7 छलेन ख्रीष्टलाइ सिबउँइले पखबर क्रोर खाब् ह्याब?”

बिबै सै या आमैन् ।”

8 बरु ठिमए ताँ चु ग,

“परमेश्वरए ताँ क्हेमैए डॉर्न मुँ ।

क्हेमैए सुँ नेरो सै न्होर्न मुँ ।”☆

डिइ म्हिमैने बिमिबै ताँ: येशूए फिर बिश्वास लद् बिबै सै तोबै ताँ ग ।

2 परमेश्वरजी ओंसोन् त्हाँबै म्हिमैलाइ आत्यागिदइमुँ।
परमेश्वरए छ्वेर एलिया अगमबक्ताइ लबै प्राथनाए बारेर
क्हेमैइ सेइमुँ। एलियाइ यहूदीमेंए बिरोधर परमेश्वरने छले
बिल,

3 “ओ याहवेह, चमैइ किहए ताँ बिमिंबै म्हिमें सैवाइ,
किहए मिर खो पिबै क्तृत्योमें फुवाइमुँ।
किहए ताँ बिमिंबै म्हिमें न्होरि ड घि मत्रे चैमुँ,
डलाज्यै या चमैइ सैल् म्हेइमुँ।”☆

4 दिलेया परमेश्वरजी एलियाने छाबै ज्वाफ पिंड,
“बाल बिबै देवताए पूजा आलबै
हजार डि म्हिमें डइ ह्रोंसए ल्हागिर थेंइमुँ।”☆

5 छलेन तोगो या परमेश्वरजी दयाम्हाँया लसि त्हाँबै को-कोइ
यहूदीमें अझै चैइमुँ।

6 चमैइ धर्म-कर्म लसि आडिं, परमेश्वरए दयाम्हाँयाइ लमा
खीजी चमैलाइ त्हाँब ग, आस्याँ खीए दयाम्हाँया छलेन् पिबै
दयाम्हाँया आतमल।

7 छ, बिस्याँ चु ताँए अर्थ तो तइ दि? खेंमैइ म्हेबै मुक्ति ताँन्
यहूदीमेंइ आयो। दिलेया परमेश्वरजी त्हाँबै यहूदीमेंइ मत्रे
मुक्ति योइ। अरू चैबै यहूदीमेंए सैं सारो तइ।

8 परमेश्वरए छ्वेर छले फ्हिइमुँ,
“परमेश्वरजी चमैलाइ क्होल् आखाँबै सैं पिंडमुँ,
चमैलाइ आम्रोबै मि नेरो आथेबै न्ह पिंडमुँ,
छतसि तियाँ समन् चमैँ छाबन् मुँ।”☆

9 दाऊद मुँज्यै या छलेन् बिइमुँ,
“चमैँए भोज भत्यार जाल नेरो डो धोन् तरिगे,
चमैँ चर्न थुरसि सजैँ योरिगे।

17 छ्लेन रोमें रोबै सिं धुँए को-कोइ हाँगमें चोवाब् धोले कोइ यहूदीमें या परमेश्वरउँडले फ़ेयाइमुँ। धै कहेमें अरू हेंबै म्हिमें तबइले क्हयोँबै सिं धुँए हाँग धोन् तसि अरू छ्याँबै हाँगमेंए माँजोरि से घिले गैदिइमुँ। छ्तसि यहूदीमेंए जराउँडले खुगु योँब् धोले कहेमैइ तोगो भों नेरो आशिक योँडमुँ।

18 छ्तसि कहेमें च चोयाबै हाँग धों तबै यहूदीमेंलाइ हेल लल् आत। चमें भन्दा ह्नांसन् स्वाब मुँ इहाँस्याँ, चु ताँ सैर मैंन्: कहेमें सिं धुँने फ़ेरबै हाँग धों तभै मत्त्रे ग। कहेमैइ जरा आधाँदिइमुँ, वरु जराइ कहेमैलाइ धाँदिइमुँ।

19 दिलेया कहेमैइ अरू हेंमैने छ् बिलै, “ओ, डलाइ रोमें रोबै सिं धुँने गैदिबर परमेश्वरजी च हाँगमें चोवाइमुँ।”

20 च ठिक ताँ मुँ, दिलेया चु मैंन्: चमैइ बिश्वास आलबइले परमेश्वरजी चमैलाइ चोवाइ। छ्लेन कहेमैइ बिश्वास लसिन् मत्त्रे टिल् योँडमुँ। छ्तसि थेब् आफ़ैन्, वरु न्ह क्रों मि क्रोले टिद्।

21 तलेबिस्याँ परमेश्वरजी क्ह्रोसेन्बै हाँगलाइ भ्योवाइ बिस्याँ, कहेमैइ बिश्वास लब् पिवास्याँ कहेमैलाज्यै या आभ्यो रो वा?

22 परमेश्वरजी खैले ल्हयो खमुँ, छ्लेन सैं सारो या लम् बिसि सैर मैंन्। खीउँडले फ़ेयाब्मैने परमेश्वरजी सैं सारो लमुँ, दिलेया कहेमें परमेश्वरए ल्हयो न्होरि टिरिस्याँ कहेमैइ परमेश्वरए ल्हयो योँम्। आस्याँ थोवाबै हाँगमैलाइ धोले कहेमैलाज्यै या थोवाब्मुँ।

23 छ्लेन यहूदीमेंइ अबिश्वास लब् पिवासि धबै बिश्वास लसि एखम् बिस्याँ परमेश्वरजी चमैलाइ ओंसों मुँबै क्ह्योर हाँग धोले गैदिमिंम्मुँ, तलेबिस्याँ परमेश्वर धबै चमैलाइ गैदिल् खाम्।

24 कहेमें अरू हेंबै म्हिमें क्हयोँबै सिं धुँउँडले हाँग थोवासि बगैँचाबै सिं धुँने से आक्हिलेया गैदिइमुँ। यहूदीमें बगैँचाबै सिं धुँए हाँगमें धों तब् ग। क्हयोँबै हाँगमें भन्दा च ओंसों थोवाबै

हाँगमें धबै एपसि गैंदिब परमेश्वरए ल्हागिर झन् स्वाब तम् ।

25 ओ अरू हेंबै अलि-अडामें, क्हेमें थेब आफ्हेरिगे बिसि
क्हेमैंइ चु खास ताँ भ्रि क्होल् त्हुम्: परमेश्वरजी त्हाँबै अरू
हेंबै ताँन् म्हिमैंइ येशू खीष्टए फिर बिश्वास आलन् समा मत्त्रे
यहूदीमैंइ सैं सारो लब्भुं ।

26 च लिउँइ ताँन् यहूदी हेंमैंइ मुक्ति योँब्भुं । परमेश्वरए छ्वेर
छले फ्हिइमुं:
“सियोनउँइले जोगेमिंबे म्हि युब्भुं,
याकूबए सन्तानलाइ दुष्ट के लबउँइले खीजी जोगेमिंबुं ।”

27 इइ चमैंए पाप मेटिदिसि
चमैंने बालु फैबै बाछ्हा पूरा लमिंबुं ।”

28 सैं तोंबै ताँए फिर बिश्वास आलसि यहूदीमैं परमेश्वरए शत्तुर
तबइले क्हेमैंलाइ फायदा तब् ग । दिलेया परमेश्वरजी चमैंए
खेमैंलाइ त्हाँबइले चमैंलाज्यै या खोम् ।

29 तलेबिस्याँ परमेश्वरजी खीजी त्हाँबै म्हिमैंलाइ युगुर्ले
आत्यागिद, धै खीजी पिंबै आशिकमैं या आफ्हें ।

30 स्योँम क्हेमैं अरू हेंबै म्हिमैंइ परमेश्वरए ताँ आक्वेमल,
दिलेया यहूदीमैंइ परमेश्वरजी बिब् आडिंबइले क्हेमैंइ
परमेश्वरए ल्हयो योंबै मौका योंइमुं ।

31 छलेन क्हेमैंइ ल्हयो योंबइले परमेश्वरजी बिब् धोले चमैंज्यै
या ल्हयो योंरिगे बिसि तिंजोरो यहूदीमैंए सैं सारो तइ ।

32 तलेबिस्याँ खीए दयाम्हाँया ताँन् म्हिमैंइ योंरिगे बिसि
परमेश्वरजी चमैं ताँनए सैं सारो लवासि बिब् आडिँब्मैं तल् पिंड ।

11:26 11:26 11:27 11:27

33 ओहो, परमेश्वरजी तॉनए फिर लबै दयाम्हाँया बेल्ले थेब नेरो छ्याँब मुँ । खीए ज्ञान बुद्धिए तॉमें गैरु मुँ । खाबइ खीए तॉमेंए बयन लल् खाँम्? खाबइ खीजी लबै के कहोल् खाँम्?☆

34 परमेश्वरए छ्वेर छले फ्हिइमुँ,
“याहवेहए सैंबै ताँ खाबइ सेइमुँ?

झाइले खीलाइ खाबइ सल्ला पिल् खाँम्?”☆

35 “खाबज्यै या परमेश्वरलाइ तोइ सै पिंइमुँ वा?

परमेश्वरजी खाबलाज्यै तोइ सैए खि फोल आल्हु ।”☆

36 तलेबिस्याँ परमेश्वरजी तोन्दोरि सै बनेइ, तोन्दोरि सै खीउँइलेन् खीए ल्हागिर्न ग । परमेश्वरए मिं खोंयोन् बिलै थेब तरिगे । आमेन, छान् तरिगे ।☆

12

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33 34 35 36 37 38 39 40 41 42 43 44 45 46 47 48 49 50 51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80 81 82 83 84 85 86 87 88 89 90 91 92 93 94 95 96 97 98 99 100

1 छतसि ओ डइ खोबै अलि-अडॉमैं, परमेश्वरजी डचोए फिर च्हाँ थेबै ल्हयो लबइले ड कहेमैंने यो छ्युँ लमुँ: सोगों खो धोले ह्हाँ-ह्हाँसए ज्यु परमेश्वरलाइ पिंन् । छ्हाँबै खो पबित्र नेरो परमेश्वरलाइ सैं तॉन् लबै क्हाँसैंन्बै सेवा ग ।

2 चु ह्युलबै म्हिमैंइ लब् धोबै आछ्याँबै केमैं कहेमैंइ आलद्, बरु ह्हाँसए सैर छारा तसि सैं न्होंउँइले ओनों छ्याँब तद् । छ तस्याँ मत्त्रे कहेमैंइ परमेश्वरए इच्छा तो मुँ बिसि था सेल् खाँम्, अथवा तो सै स्वाब मुँ, तो सैइ परमेश्वरए सैं तॉन् लमना, तो सै छ्याँब मुँन बिसि कहेमैंइ सेब्मुँ ।

3 परमेश्वरजी डलाइ खीए दयाम्हाँया पिंबइले डइ कहेमैं तॉनने यो छ्युँ लमुँ: ह्हाँसलाइ थेब आमैंन्, परमेश्वरजी क्हीलाइ पिंबै बिश्वास अनुसार ह्हाँस खैतब् मुँ छ्हाँबन् मैन ।

☆ 11:33 11:33 000 00:८ ☆ 11:34 11:34 000 00:१३ ☆ 11:35 11:35 000

00:११ ☆ 11:36 11:36 0 000 0:६

14 छलेन क्हेमैए फिर दुःख पिंभैलाइ सराप आपिन्, बरु चमैए ल्हागिर परमेश्वरने आशिक ह्मिन् ।*

15 सैं तोंभैने बालु सैं तोंन्, क्रोभैने बालु क्रोद् ।

16 ताँनने किह्इ टिद्, थेब् आफ्हेँन्, बरु कुरभैने बालु प्रद्, ह्नोंसन् बेल्ले ह्ब्-सेब् आफ्हेँन् ।*

17 क्हेमैए फिर न्होह्नों लभैए न्होह्नों आलद् । म्हिमैए उँडैरि तो छ्याँब तम् चन् लरिद् ।

18 खाँन् समा ताँनने किह्इसि टिद् ।

19 ओ डए खोबै अलि-अडाँमै, ह्नोंसए न्होह्नों लभैने खोंयोँइ खि आकिन् । चमैलाइ परमेश्वरए ह्मिसर्न पिवाद, तलेबिस्याँ “खि किबै के डल् ग,

डजीन् खि किब्मुँ,” बिसि छ्वेर फ्हिइमुँ ।*

20 बरु परमेश्वरए छ्वेर बिब् धोले,

“किहए शत्तुर फो खेंस्याँ चलाइ चल् पिन्,

च क्यु पिइबिस्याँ क्यु पिन् ।

छ लस्याँ किहए शत्तुर फा पिन् तसि

चए क्रर मि राब उँवाब् धोन् तम् ।”*

21 छतसि अरुमैए आछ्याँबै केइ ह्नोंसलाइ द्होल् आपिन्, बरु क्हेमैइ छ्याँबै के लसिन् आछ्याँबै के द्होवाद् ।

13

ॐॐॐॐॐॐ ॐॐॐॐॐ ॐॐॐॐॐॐ ॐॐॐ

1 ताँन् म्हिमैँ सरकारए ठिमए न्होर टिल् त्हुम्, तलेबिस्याँ परमेश्वरए इच्छा आरेस्याँ सरकार तल् आखाँ । ताँन् सरकारलाइ परमेश्वरजीन् खटिदिब् ग ।

2 छतसि खाबइ सरकारए बिरोध लमुं चइ परमेश्वरजी खटिदिबै
मिह्लाइ बिरोध लम् । छ लभ्मैइ सजै योम्भुं,

3 तलेबिस्याँ थेब-थेबै पद मुंभ्मै म्रोसि ठिक के लभ्मै डिहंल्
आत्हु, दिलेया आछ्छ्याँबै के लभ्मै बिस्याँ डिहंल् त्हुम् । क्हेमै
सरकारने आडिहंल्ले टिदा इहाँइमुं वा? छ बिस्याँ ठिक के लद,
झाइले क्हेमैइ सरकारउँइले स्याबासि योम्,

4 तलेबिस्याँ क्हेमैए फायदाए ल्हागिर परमेश्वरजी
सरकारलाइ ह्रोसए सेवा लभ्मै खटिदिब् ग । दिलेया पाप
लस्याँ सरकार म्रोसि डिहंल् त्हुम्, तलेबिस्याँ सरकारने सजै
पिबै शक्ति नेरो हग मुं । पाप लभ्मैलाइ सजै पिबै ल्हागिर
परमेश्वरजी सरकारलाइ खटिदिब् ग ।

5 छतसि खीउँइले सजै आयोरिगे बिसि मत्त्रे आडिं, दिलेया
ह्रोसए सैज्यै या “छ लब ठिक मुं” बिब् मैसि सरकारए ठिमए
न्होर टिलन् त्हुम् ।

6 छतसि डचोइ बालि फोल् त्हुम् तलेबिस्याँ सरकारज्यै या
लल् त्हुबै केमै लमा परमेश्वरए सेवा लरिम् ।

7 छतसि क्हेमैइ सरकारलाइ फोल् त्हुबै सैमै ताँन् फोद् । धै मान
लल् त्हुभ्मैलाइ मान लद् ।*

⌘⌘⌘⌘⌘ ⌘⌘⌘⌘⌘⌘⌘⌘ ⌘⌘⌘ ⌘⌘⌘⌘⌘⌘⌘⌘ ⌘⌘⌘⌘⌘⌘⌘⌘

8 भ्रिइ भ्रिने म्हाँया लब बाहेक अरू तो सैरै या भारा आनोद् ।
तलेबिस्याँ ह्रोसए इहेब् ट्हुभ्मैए फिर म्हाँया लभ्मैइ परमेश्वरजी
पिबै ठिम पूरा लम् ।

9 मोशाइ फ्लिबै ठिममै न्होरि “ब्यभिचार आलदु, मिह आसैदु,
आह्योदु, लोब आलदु,” बिबै ताँमै मुं । दिलेया “ह्रोसलाइ धोले

* 13:7 13:6-7⌘⌘⌘⌘⌘ ⌘⌘:२१; मर्क १२:१७; लूक २०:२५

इहेब् टहुब्मैलाज्यै या म्हाँया लद्” बिबै ताँ डिंस्याँ ठिम् बिबै ताँन् ताँ लब् धोन् तम् ।☆

10 ह्त्तोंसए इहेब् टहुब्मै म्हाँया लबै म्हिइ चमैए फिर तोइ न्होह्त्तों आल । छतसि म्हाँया लब्मैइ मोशाइ पिबै ठिम् पूराले म्हाँदिम् ।

11 मैन्दि, खैबै जुग खबर होंइमुँ बिसि क्हेमैज्यै सेइमुँ । तारे क्हेमै न्हरुउँइले छोरसि न्हु क्रों मि क्रोले टिद् । थेद्, ओंसोंबै विश्वास लबै त्हिंइ भन्दा तिंजोरो ड्चोलाइ जोगेमिंबै त्हिंइ झन् चेंदो तखड्मुँ ।

12 म्हुँइँस ह्याल् खाँइ, तारे त्हिंयाँ प्रेवर होंइमुँ । छतसि मिच्छु खैबर लबै केमै पिवाद् । बरु परमेश्वरए ह्वेर टिसि छ्याँबै के लद्, हत्यारमै छेसि पापने नेद् ।

13 त्हिंबै ह्वेर टिब्मै धोले छ्याँबै छ्ह थोले । सयल लप्रब, फ्हा को तब, व्यभिचार लब, तो लदा इहाँमुँ चन् लब, फ्हांगि मिब नेरो ह्त्सि लब छ्याँबै केमै ताँन् पिवाद् ।

14 बरु येशू ख्रीष्ट धोन् तबर भों लद्, धै ह्त्तोंसए सैँउँइले खबै आछ्याँबै इच्छामै पिवाद् ।

14

□□□□□□□□ □□□□ □□□□□□□□□□ □□□□ □□□□□□□□ □□□□ □□□□□□□□

1 विश्वासर आभोँब्मैलाइ म्हाँया लसि ह्त्तोंसए संगतिर टिल् पिन् । दिलेया चमैइ पोबै ताँर छ्याब् ल्हाँदिसि फ्हांगि मिबै के आलद् ।

2 तलेबिस्याँ को-कोइइ तोन्दोंरि सै चल् तम् बिम्, दिलेया विश्वासर आभोँब्मैइ से चल् आत बिम्, छतसि चमैइ ट्हा ट्हु मत्त्रे चम् ।

☆ 13:9 13:9 □□□□ □□:१३-१५,१७; व्य ५:१७-१९,२१; लेवी १९:१८

11 परमेश्वरए छवेर छले फ्हिडमुँ,
 “याहवेहजी बिडमुँ,
 ड खोंयोन् बिलै तरिबै परमेश्व ग।

छतसि ताँन् म्हिमैँइ डलाइ फ्योब्मुँ,
 ताँनइ डए मिं थेब् लब्मुँ।”☆

12 छतमा डचो ताँनइ ह्नों-ह्नोंसइ लबै केए हिसाब परमेश्वरलाइ
 बुजीदिल् त्हुम् ।

११११११११ १११११११ १११११११

13 छतसि डचो घिइ घिने फाक्कन छ्याब् आल्हैदिले, डचोइ
 ह्नोंसए अलिमैलाइ पापर च्होवाबै केमै खोंयोँइ आलले बिसि सैर
 मैले ।

14 प्रभु येशूए फिर विश्वास लबइले डइ चु ताँ पक्का सेइमुँ,
 चबै सै तो मुँले चल आतब आरे । दिलेया खाबज्यै तो मुँले चबै सै
 अशुद्धन् मैँइ बिस्याँ च सै चए ल्हागिर अशुद्धन् तयाम् ।

15 किहइ तो मुँले चबै सै चमा ह्नोंसए अलिलाइ सै नल्
 लइबिस्याँ किहइ चलाइ म्हाँया आल । येशू ख्रीष्टजी ह्नोंसए
 ज्यु पिंसि च अलिलाइ जोगेमिँइ । छतसि च अलि किहइ चबै
 सैइ नास आतरिगे ।

16 छतसि किहइ ठिक ठदिबै केलाइ अरूइ ठिक आरे बिल्
 आयोरिगे ।

17 तलेबिस्याँ डचोइ परमेश्वरलाइ मुँलाइ धोले म्हाँदिइ
 बिस्याँ खीजी डचोलाइ थेबै आशिक पिंम् । च आशिक तो जा
 बिस्याँ तोन्दोरि सै चब् थुँब् योंब मत्त्रे आडिं, दिलेया पबित्र
 प्न्हजी ठिक ठदिमिंसि पिंबै शान्ति नेरो आनन्द ग ।

18 खाबइ छले येशू ख्रीष्टए सेवा लमुँ, छाबै म्हिने परमेश्वर सै
 तोंम्, झाइले चइ म्हिमैँउँइले या स्याबासि योंम् ।

खीए फिर अरू हेंबै म्हिमेंइ आशा थेंबुँ ।”☆

13 छतसि पबित्र प्न्हए शक्तिजी क्हेमेंए आशा बडिमिरिगे विसि क्हुँसेन्बै आशा पिंबै परमेश्वरए फिर क्हेमेंइ बिश्वास लबइले क्हेमेंइ सैं तोंसि छिं इहाँल योरिगे ।

ॐॐॐॐॐ ॐॐॐॐॐ ॐॐॐॐॐ

14 ओ इए अलि-अडाँमें, क्हेमेंइ छ्याँबै केमें लरिइमुँ, धै तोन्दोरि ताँर ह्बू सेबू तसि घिइ घिलाइ छेनाले लोमिंल् खाँबें तइमुँ विसि डइ सेइमुँ ।

15 दिलेया परमेश्वरजी पिंबै थेबै दयाम्हाँयाजी लमा को-कोइ ताँमें क्हेमेंइ अझै छेनाले च्हेँबू मैबू लल् खाँरिगे विसि डइ थेबै आँट लसि चु प्हिछ्या प्हिइमुँ ।

16 तलेबिस्याँ परमेश्वरजी डलाइ अरू हेंमेंए ल्हागिर येशू ख्रीष्टए सेवा लबै म्हि तल् पिंइमुँ । छतसि खो पिंबै खेगिमेंइ परमेश्वरजी खोबै भेटि पिंबू धोले डइ सैं तोंबै ताँ बिमिसि अरू हेंमेंलाज्यै परमेश्वर डार पमुँ । चमैलाइ पबित्र प्न्हजी चोखो लसि चमै परमेश्वरजी खोबै भेटि तइमुँ ।

17 छतसि येशू ख्रीष्टने घिन् तसि परमेश्वरए ल्हागिर डइ लबै के म्गोंसि ड सैं तोंइमुँ ।

18 तलेबिस्याँ अरू सैए बारेर आडिं, दिलेया येशू ख्रीष्टजी इए छहउँइले लबै केए बारेर मत्त्रे प्हेँमुँ । इए के नेरो प्रचारउँइले,

19 झाइले बेल्ले थेबै औदिवै चिनुमें नेरो पबित्र प्न्हजी पिंबै भोंउँइले येशू ख्रीष्टजी अरू हेंमेंलाइ परमेश्वरलाइ म्हाँदिल् पिंइ । चु ताँर मत्त्रे ड क्हेमेंने बिमुँ । डइ यरूशलेम सहरउँइले इल्लुरिकन बिबै ह्युल समा ह्यासि खन्तोँदोंन येशू ख्रीष्टए बारेर सैं तोंबै ताँ बिप्रइमुँ । सैं तोंबै ताँउँइलेन् अरू हेंमेंए म्हाँजोरि औदिवै (थेबू-थेबै) केमें लमिंबइले ड सैं तोंइमुँ ।

20 खीष्टए मिं या आथेबै म्हिमें डॉर खीउँडले खबै सैं तोंबै ताँ विप्रब डए सैं मुँ । अरूइ झोंथेबै जगए फिर धिं बेनब छ्याँब आत । छ्रतसि अरूइ ओंसोन् विप्रबै क्त्ह्यो जरे ड विप्रदा आइहाँ ।

21 परमेश्वरए छ्वेर छलेन् फ्हिइमुँ,
“खाबज्यै या परमेश्वरए बारेर था आपिंबै म्हिमेंइ खीलाइ म्रोंबुँ,
छलेन परमेश्वरए बारेबै ताँ खोंयोँइ आथेबैइ खीए ताँ
क्होबुँ ।”☆

22 ल्हें खे ड क्हेमै डॉर खबै सैं लइ, दिलेया खल् आयोँ ।☆

23 दिलेया तोगो चु क्त्ह्योजरे डइ के लल् खाँइमुँ, धै ल्हें ओंसोँ ओनोन् क्हेमैने ल्होदा इहाँल ।

24 छ्रतसि तारे ड स्पेन बिबै ह्युलर ह्यासिन्मुँ, च्मन् क्हेमैने ल्होबै आशा मुँ । चर क्हेमैने तिस्याँदेन् बिलै संगति लदा इहाँइमुँ । धै स्पेन ह्याबै ल्हागिर क्हेमैइ डलाइ ल्होलै इहाँइमुँ ।

25 दिलेया तोगो ड यरूशलेम सहरर परमेश्वरए म्हिमेंलाइ ल्होबर ह्यासिन् मुँ ।

26 तलेबिस्याँ गिस नेरो म्याकेडोनिया ह्युलजरेबै बिश्वासीमैइ यरूशलेमबै यहूदी इहाँदु बिश्वासी अलि-अडॉमैए ल्हागिर च्हाँदे मुइ पिमिंडमुँ ।☆

27 चु मुइ चमैइन पिंबै सैं लब् ग । बिलन ल्हुमा च इहाँदुमें ल्होल् ल्हुबैन् ग, तलेबिस्याँ यहूदीमेंउँडलेन् अरू ह्हेमैइ सैं तोन् लबै ताँमें थेल् योंइ, छ्रतसि चमैए खि फोबर अरू ह्हेमैज्यै या यहूदीमेंए खाँचोर ल्होल् ल्हुम् ।☆

28 छ्रतसि चमैए ल्हागिर रेबै मुइ सनेसि ड यरूशलेमउँडले क्हेमै डॉर खसि स्पेन ह्युलर ह्याबुँ ।

☆ 15:21 15:21 000 00:१५ ☆ 15:22 15:22 000 0:१३ ☆ 15:26 15:25-26

0 000 00:१-४ ☆ 15:27 15:27 0 000 0:११

डइ खोबै थु इपेनितसलाज्यै या जय मसीह मुँ। च एशिया ह्युलबै येशू ख्रीष्टए फिर विश्वास लबै ओंसोबै म्हि ग।

6 छलेन कहेमैए ल्हागिर बेल्ले के लबै मरियमलाज्यै या जय मसीह मुँ।

7 झाइले डने बालुन् झेलर च्युवाबै यहूदी थुमै एन्ड्रोनिकस नेरो चाए प्हेस्यो युनियाने जय मसीह मुँ बिमिन्। चमै येशू ख्रीष्टए कुल्मिबै चेला चिबमै न्होबै ताँनइ डो सेबमै ग। झाइले डइ विश्वास लब भन्दा ओंसो चमैइ येशू ख्रीष्टए फिर विश्वास लल।

8 झाइले एम्प्लआतसलाइ डए जय मसीह मुँ। चइ प्रभुए फिर विश्वास लबइले डइ बेल्ले खोम्।

9 छलेन ख्रीष्टए ल्हागिर डने बालुन् के लबै उर्बानस नेरो डइ खोबै थु स्ताकिसलाज्यै या डए जय मसीह मुँ बिमिन्।

10 अपेल्लेसलाज्यै या डए जय मसीह मुँ। च ख्रीष्टए के लबै म्हि ग बिसि म्हिमैइ छेनाले सेइमुँ। अरिस्तोबुलसए धिबै परवालाज्यै डए जय मसीह मुँ बिमिन्।

11 डए यहूदी अलिमै हेरोदियनलाइ डए जय मसीह मुँ बिमिन्। झाइले नर्किससए धिबै प्रभुए फिर विश्वास लबै ताँनलाइ डए जय मसीह मुँ बिमिन्।

12 झाइले प्रभुए के बेल्ले लबै अडामै त्रुफेना नेरो त्रुफोसालाइ डए जय मसीह मुँ बिमिन्। झाइले प्रभुए ल्हागिर ल्हें के लबै खोबै परसिसलाइ डए जय मसीह मुँ बिमिन्।

13 झाइले प्रभुए ल्हागिर थेबै के लबै रूफसलाइ डए जय मसीह मुँ। रूफसए आमालाज्यै या डए जय मसीह मुँ बिमिन्। चइ डलाइ खीए च् धोलेन् म्हाँया लमल।*

14 छुलेन असिंक्रितस, फ्लेगन, हर्मेस, पत्रोबास, हर्मास नेरो चमैने मुँबै अरू अलि-अडाँमैलाज्यै या डए जय मसीह मुँ बिमिन् ।

15 झाइले फिलोलोगस, युलिया, नेरियस, चए अडाँ, ओलिम्पास नेरो चमैने बालु मुँबै ख्रीष्टर विश्वास लब्मैलाइ डए जय मसीह मुँ बिमिन् ।

16 घिइ घिने खोउँइलेन् म्हाँया लद् । चुबै ताँन् विश्वासीमैज्यै या क्हेमैलाइ जय मसीह बिमिन्डमुँ ।

ॐॐॐॐॐ ॐॐॐॐॐ

17 ओ अलि-अडाँमै, ड क्हेमैने यो छ्युँ लमुँ, भाँडिदिब्मै नेरो क्हेमैलाइ लोमिंबै परमेश्वरए ताँए बिरोधर पोसि आक्हिल् लब्मैउँइले न्ह क्रों मि क्रोंले स्योले टिद् ।

18 तलेबिस्याँ छ्याँबै म्हिमैँड डचोए प्रभु येशू ख्रीष्टए ल्हागिर आडिं, दिलेया ह्रांसए फोए ल्हागिर सेवा लम् । चमैँड ननाओलिबै छ्याँबै ताँमैँ पोसि सोजो म्हिमैँ धोका पिंम् ।

19 दिलेया क्हेमैँड सैं तोबै ताँ छेनाले म्हाँदिसि च अनुसार प्रम् बिब ताँनइ थेइमुँ । चु ताँर डए सैं बेल्ले तोँडमुँ । अझै क्हेमैँ छ्याँबै के लबर सिपालु तरिगे, धै आछ्याँबै केमैँए छ्याब क्हेमैँए फिर आखरिगे बिब डए सैं मुँ ।

20 डचोलाइ शान्ति पिंबै परमेश्वरजी युनन् दुष्टलाइ क्हेमैँए फ्लेइ प्लेल् पिंम्मुँ ।

डचोए प्रभु येशूए थेबै दयाम्हाँया क्हेमैँने बालु तरिगे ।

21 डने बालु के लबै तिमोथी, धै डए यहूदी अलिमैँ लुकियस, यासोन नेरो सोसिपात्रोज्यै या क्हेमैँने जय मसीह बिमिन्डमुँ ।✧

22 (पावलइ बिबै ताँ चु फ्हिछ्यार फ्हिमिंबै म्हि ड तर्तियसउँइले या प्रभुए मिर क्हेमैँलाइ जय मसीह मुँ ।)

23 ड नेरो ताँन् बिश्वासीमैलाइ मान लबै गायसज्यै या क्हेमैलाइ जय मसीह मुँ बिमिंडमुँ। झाइले चु धिर मुँबै बिश्वासीमैइ क्हेमैलाइ जय मसीह बिमिंडमुँ। छलेन चु सहरबै कोशाध्यक्ष इरास्तस नेरो डचोए अलि क्वार्टसज्यै या क्हेमैलाइ जय मसीह बिमिंडमुँ।*

24 डचोए प्रभु येशू ख्रीष्टए दयाम्हाँया क्हेमै ताँनने तरिगे।
आमेन। छान् तरिगे।

?????? ??????????

25 डचो ताँनइ परमेश्वरए मिं थेब लले! खीजी क्हेमैलाइ बिश्वासर भोंसि लमिंल् खाँम्। येशू ख्रीष्टउँइले खबै सैं तोंबै ताँ डइ बिप्रमा जुग जुग ओनोंन् लोथेबै ताँ तारे छर्लङ्ग तसि ताँनइ सेइमुँ।

26 चु क्होंसेन्बै ताँ परमेश्वरए छवेर अगमबक्तामैइ फ्हिथेल् छतसि तारे म्हिमैइ छेनाले क्होल् खाँम्। खोंयोइ तरिबै सोगों परमेश्वरजी बिब् धोले च आसेल्ले मुँबै सैं तोंबै ताँ ताँन् हेंमैलाइ बिमिसिन् मुँ। च आसेल्ले मुँबै ताँ तो मुँ बिस्याँ यहूदी मुँले अरू हें मुँले ताँन् हेंमैइ बिश्वास लसिन् परमेश्वरलाइ म्हाँदिल् योम्।

27 तोन्दोरि ज्ञान-बुद्धि मुँबै परमेश्वरलाइ येशू ख्रीष्टउँइले म्हिमैइ खीए मिं खोंयोन् बिलै थेब लरिगे। आमेन।

Gurung Central Adapt It Study Bible
Gurung: Gurung Central Adapt It Study Bible (New
Testament+)

copyright © 2020 Wycliffe Bible Translators, Inc.

Language: Gurung (Gurung, Western)

Contributor: Wycliffe Bible Translators, Inc.

© Wycliffe Bible Translators, Inc.

All rights reserved.

2025-05-03

PDF generated using Haiola and XeLaTeX on 2 May 2025 from source files
dated 3 May 2025

54ead5f0-09ac-5893-ab7c-505713abe514